

地理志

一、山脈

查境內平原廣野並無山嶺但畿輔通志云鼓國山在縣城西五里下有鼓城坡以春秋時鼓子所居而名見大清一統志隋因以名縣見方輿紀要然實地考之不過一土阜耳不知何所據而云然其或陵谷變遷古今異勢乎

二、河流

滹沱河

(一) 滹沱河之發源及其河道

滹沱河發源於山西繁峙縣東北百三十里秦戲山下孤山村之西其源有三形如品字故名曰品字泉循太行掠晉冀蜿蜒東來由藁城縣馮村與兩河村之間流入縣境西北隅繞經北辛庄之南張家莊張里村管洽等村之北共行境地十八里東北流入無極縣龍泉固北此現在之河道也

晉縣志料

卷上 地理志

晉縣修志局編印

(二) 滹沱河之變遷

滹沱河性善徙歷代以來屢有變遷自滄陽以水泚水以南數十里皆其徙橫冲盪之區斷岸沙灘蜿蜒殆遍見畿輔通志故境內自南至北無處不有其遺跡惟志文缺漏漫無稽考今試就其稍有依據者述之

(甲) 古代之變遷 史稱漢更始二年光武帝水渡滹沱其地在今縣城東二十五里凍河頭村此漢代之故道也 唐元和郡志載滹沱河在鼓城縣即晉縣北十三里按今地考之當在張家庄北辛莊之間此唐代之故道也

(乙) 近代之變遷 (一) 明代之變遷 洪武十一年河南徙至釣魚台沙庄經東鹿流入深州傳衆池又名護駕遲 正統十一年疏其故道 成化六年河溢自城南東流轉折而南經秤鈎灣即仁義村宿生東南至周家疃 成化八年河決於紫城即紫城口南流入寧晉泊 正德十三年紫城口淤河分為二一南流仍入寧晉泊一東溢由東鹿鴉兒河入深州界是年由控盤集今名控盤村迤東築堤以障東流之水使歸寧晉

泊工甫告竣而秋水漲泛併南流決而東注入東鹿界今考其故道其南流一支經顧底村相古莊周頭釣魚台孔目莊大尚村而入寧晉界此入寧晉之故道也其東流一支經藁城孫家庄表業折而北流至南關外東流經控盤村南白灘器家庄一帶此入東鹿之故道也其支流由表業至姚家庄繞陳家庄劉家庄再東則與正流合此明代變遷之情形也

(二) 清代之變遷 順治十二年河南徙由藁城縣南朋村經縣境西南周頭村流入東鹿百尺口至冀州入清水河 康熙五年河自寨子村即壘庄寨總河口分為五支統入東鹿縣境流向深州者三支向冀州者二支至三十一年河改向胡士庄魯家庄流入東鹿縣之彭六佐平興路智邱向冀縣流去至五十三年改由平鄉村東南流經寧晉縣之司馬洗固等村入寧晉泊至五十七年又改由射佛兔大尚村流入趙縣之朱家庄西南流經寧晉縣趙平邱入寧晉泊 雍正三年河決於周頭村北徙由周頭留庄郭家庄永豐村河頭村張岔口入東鹿境直冲東鹿城後在周頭村築壩障其東下另開一新河由東鹿縣木邱經焦岡入滄陽河至八年新開河淤十年河溢自周頭分為二支一經張岔口流向東鹿縣賈百戶一

晉縣志料

卷上 地理志

二

晉縣修志局編印

經東里莊楊家營流入東鹿縣之試炮營 乾隆十九年改由東趙莊東賈庄東流入東鹿縣之王莊管至二十一年改由西張岔口流入東鹿縣之東張岔口二十三年河在河頭村馬家坟分為二支一流入東鹿縣之八里庄一流入東張岔口皆入寧晉泊至二十四年在河頭村築堤數十丈以遏西流之水至五十九年河南徙經趙蘭庄孔目莊大尚村及趙縣大夫庄入寧晉界東南流至冀縣邵村入滄陽河 咸豐元年河大溢遂改流而北由藁城縣彭學村流入相古庄分流而東以地勢平衍漫無正流汪洋浩瀚寬數十里高者漫緩低者湍急至二年又溢乃在藁城縣彭學村辛庄修堤障水使南歸故道至三年水溢更甚城南數十村庄遂成澤國其急流有三(一)經樓底村邵庄仁義村馬坊東寺呂注入控盤村舊河灘二經趙八庄邵庄馬坊東寺閣馬于南辛庄東流入東鹿境三經里明甫聶村趙七子宿生村南寺閣中作李家庄東流入東鹿境至五年河水退落始有正流其道有二皆入東鹿境一由張家庄里明甫聶村趙七子宿生等村之南

東流又一支經南小吾呂家營趙家庄等村之南東流其支流由馬家庄石家莊東里庄流入老河灘至楊家營東流亦入東鹿縣境至十年上游復改流而北經張家庄趙八莊邵庄馬坊古兒村等村之南與九年之正流匯合東流其支流由張家庄向北流經趙八莊樓底流入舊道蜿蜒東下明年河又南徙由藁城縣辛庄東流經相古庄桃園周元坊馬家庄東趙庄大小沙庄等村之南入東鹿境其支流在趙庄村北仍流入舊河灘同治七年河復大溢縣城南北水寬三十餘里遂北徙入古河道自藁城馮村兩河之間流入縣境經北辛尿管洽祁底白水候城龐村等村之南張家庄張里村白水大樵東留章等村之北東流入東鹿縣小章村十年河又北徙經管洽村北至無極縣龍泉固流入深澤縣方元村東流又繞至耿庄村北流入深澤縣中山村此清代變遷之大概也

(三) 民國時代之變遷 民國六年六月大泛全境幾成澤國河流縱橫損失甚巨至秋季水退河道改自北辛庄之南張家庄張里村管洽等村之北出境流入無

## 晉縣志料

卷上 地理志

三

晉縣修志局編印

極縣龍泉固村之北佛堂村之南人民怵於水患乃於七年春組織水利會由沿河六十四村隨糧帶征水利捐每銀一兩納洋二角七分七厘因地勢築堤埝以防防水患十數年來利雖未見而泛濫之患少息未始非水利會之功也

(一) 滹沱河之利害情形

滹沱河之水性善移河流湍急以其多挾泥沙故每當河徙之後其故道盡成沙漠一望無垠草木不茂昔日肥壤都成沙邱甚有害於農業且漲落無常河流不定每年春季乾涸夏秋多泛濫水大時可以行舟有水運之利但用以灌田者則絕跡無有

(三) 交通

(一) 大道

(甲) 由縣城通各處之大道

(一) 通深澤縣之大道出城東門向東北行經丁家庄龍頭村趙家庄候城至田村出

境由此路東北行可至保定即清苑縣

(二) 通趙縣之大道出城南門向西南行經趙七子周頭至趙蘭庄出境

(三) 通東鹿舊城及深縣之大道出城東門向正東行經周家庄屯里至南田村出境

(四) 通藁城縣及石家庄之大道出城西門向正西行至十里鋪村西北出境立有界

碑

(五) 通甯晉縣之大道出城南門往正南畧偏西行經姚家庄趙七子紀庄至武邱鎮出境

(六) 通無極縣之大道出城西門向西北行經楊家庄元頭張家庄過滹沱河至河北辛庄西北出境

(七) 通辛集鎮及東鹿縣之大道出城東門向東南行經東劉家庄南隍盤南董光南辛庄至李家庄出境

(乙) 他處通他處行經縣境之大道

### 晉縣志料

卷上 地理志

四

晉縣修志局編印

(一) 由高陽及乘馬可往寧晉邢台(即順德府)一帶之大道自東北入境經西曹樵鎮

彭召北控盤東里庄總管庄至北魏家口出境

(二) 由石家庄通辛集鎮及衡水一帶之大道自藁城之辛庄東行入境經相古庄桃園袁家庄東里庄程家營至趙家庄出境

(三) 由無極縣往東鹿舊城之大道渡滹沱河經管洽村至候城與由城赴深澤之大道會東南行至東留章村出境

(四) 由無極縣往趙縣之大道經河北辛庄過河至十里鋪與由城往藁城縣之大道會西南行至西紫城出境

(五) 由藁城往東鹿縣之大道東行至周頭與由城赴趙縣之大道會東至大沙庄出境

(文) 津渡

河北辛庄之南有滹沱河渡口北可通無極縣

(7) 汽車路鐵路

民國九年創修滄石鐵路由東鹿縣舊壘頭入境經南白灘北控盤南關鼓城村之南後彭頭北董光張家庄之北至十里鋪村西南出境僅土工告竣停辦至今  
民國十年滄石汽車公司成立與鐵路局高租路基以便通汽車在南關外有汽車站可以上下該路東北通東鹿舊城天津東南又可通至辛集鎮西則通石家庄現大車亦有行該路者交通稍便

(二) 電話

(甲) 省有電話

民國十九年六月省令修長途電話石肅線由縣出款採辦線杆等品每月出洋四十元在城內党部西鄰設河北省第二長途電話分局派員駐守專司電話事宜該線西通藁城石家庄東通東鹿深縣以達肅寧

(乙) 縣有電話

晉縣志料

卷上 地理志

五

晉縣修志局編印

是年十二月北方軍事結束救濟會剩有修汽車路及電話費甚鉅有人提議敷設縣電話由縣長劉東藩函委籌備員數人積極進行於二十年三月告竣

(一) 城關電話 電話管理所附設於保衛總團內按電話之機關有縣政府財務公安建設教育四局及保衛總團私家則除商會外如益店義成花店及晉豫亨等各大商戶皆有電話

(二) 各區電話 通各區者分如二支(1) 西南兩區合為一杆南至宿生村西南岐為二線一向西南行至周頭第四區公安分局一向東南行至東里庄第三區公安分局(2) 東北兩區合為一杆直越城而東北行至龍頭村西南岐為二線一向北行至槐樹第五區公安分局一向東北行至小樵鎮第二區公安分局私家除通樵鎮商會外現已延及西卓宿村鄉公所及南白灘鄉公所矣物質文明愈演進人民受益愈溥於斯可見

(五) 廣播無線電話現城內義成店已裝設一具只聽棉花行市不能發聲及其他

效益聞中央已令各縣保送無線電實習員至京學習將來無線電之設庶幾普及各處矣

(勿) 郵務局

(一) 總局 本縣為二等郵局局趾在公安局對過代收電 每日赴藁城辛集各一次赴辛集者中過東卓宿設一信櫃每日一次(二) 代辦郵局為樵鎮(三) 村鎮信櫃分為三線(1) 樓底周頭西釣魚台武邱北魏家口永豐村呂家營東里庄為一線五日一次(2) 槐樹候城為一線南顧底單為一線皆五日一次(3) 總管庄為趙縣分設之信櫃隔日一次

四、關隘 無

五、名勝 無

六、古蹟

鼓國遺蹟

晉縣志料

卷上 地理志

六

晉縣修志局編印

本縣為春秋時鼓國故城在城西五里鼓城村現有土阜是其遺址按水經注鼓聚即鼓國在曲陽之西本縣在後魏時名曲陽是其証也下曲陽故城在該村之北遺蹟尚存按括地志云下曲陽故城在鼓城縣西五里是也

冰渡古蹟

漢史載更始二年大司馬秀至薊今薊縣會王子接起兵薊中以應王郎城內擾亂秀趨駕而不敢入城邑舍食道傍至蕪萸亭時天寒冽馮異上豆粥至下曲陽今名晉縣傳聞王郎兵在後從此皆恐至滹沱河候吏還白水河流漸無船不可濟秀使王霸往視之霸恐驚眾欲前阻水還即說曰水堅可渡官屬皆喜秀笑曰侯吏果妄語也遂前比至河河水已合乃令王霸護渡未畢數騎而冰解其處即今凍河頭村在城東二十五里為第二區元陳孚詩云征鼓連天戰血紅存亡只寄寸冰中憑誰剪取麒麟碧畫作雲台第一功

射佛兔

舊志云漢光武避兵時夜行迷路見一兔引弓射之兔帶箭遁奔追里許遠失其跡遂往營見箭鏃在石佛頭上因名其地曰射佛兔云或云留箭鏃營亦由此得名

### 漢京觀

漢靈帝時皇甫嵩大破黃巾賊斬其首張梁並梟首十萬築為京觀因名其地曰京觀今按其地在城西南十里紫城村隋名康平皆其地也(有圖)

### 五龍井

一統志云宋乾德中鑿井一眼口徑八尺砌為八角以象八卦現井口徑不過二尺餘口砌為八角已壞四時澄澈遇歲旱禱之輒應其井在城東門外舊有五龍王廟清名龍母堂井即在廟前井上有亭曰五龍亭現不修葺廟頂已塌四壁蠹之亭亦破頽不堪係同治間重修惟前有歌舞樓一座尚稱完整係光緒二十年修(有圖)

### 崔瑀墓

久已湮沒現在姚家庄村南有府君祠前有元教授任毅撰廟碑知州蔣祝重修

## 晉縣志料

卷上 地理志

七

晉縣修志局編印

### 魏徵墓

在城西南五里趙魏村東北明宏治間被濬浚河淤沒嘉靖己酉知州黃明良立碑崇禎間復沒於水清乾隆十六年五月知州蔣祝為捐資購地封樹立石今之頽然卧地跌為三截者蔣祝所立之石也

### 飛來石

舊志云元初狂風一夜石自飛來因名曰飛來石其形玲瓏可愛宛如太湖石因創修一寺名曰盤石寺置石寺內以祀之寺址在城西門內現寺已廢故址猶存碑尚峙立前修一理教公所石存其內(有圖)

### 紀信墓碑

紀信不知係何處人明嘉靖己酉知州黃明良在東關外為之建墓立石係漢白玉高約八尺現已仆

### 龍崗

舊志云明崇禎間知州李曰烜在東關外土崗創建一台至顧伯麒時落成台高數仞樹木叢生面臨滹沱背倚古堤前有畫閣三楹後為河伯神祠長廊配殿無一不備今只一土崗遺址仍在有圖

### 義士墓碑

在古兒村與南寺閣之間有龍頭等三十四村為義士張廷鳳立石時為同治七年六月也碑文云晉州廩生苑中楷書丹並作義士咏一律楷因連年荒早欲興城工與鴻臚寺孔廣廷並張公等赴省請緩事成張公因病而歿閭州並誌其美詩云閣州贊美幾時休咸仰張公第一流欲議工興工連歲早赴轅哀訴萬民愁上司緩限心同樂內熟旋生意共憂不避艱難真義士芳名傳得到千秋

### 古蓮花池

在城北二里丁家庄村西大明一統志云莊內有蓮花池為州之勝覽現村西店內有一大壑是其遺址周植蘆葦地屬馮姓在三四十年前有名長鎖者曾在該處建

## 晉縣志料

卷上 地理志

八

晉縣修志局編印

花園鑿池種荷購置奇花異草蔣諸園內頗為美觀

### 卓宿塔

在城東南十八里東卓宿村塔凡五層高四丈餘亦不知建築時代

### 白果塔

在城西北三里塔上村大寺內舊志云宋元間該處有井時湧臭水淹沒田苗村人苦之有遊方僧名白果者募化修塔以鎮壓之其害遂除因名白果塔以紀念之現塔仍在高兩丈餘內有半截碑聞係趙庄寺內故物不知於何年移此有圖

### 石塔

在城南五十里留箭鐸營村之西三四里許相傳塔處前係古寺地址頗廣有東至鐵牛在村東門西至塔之傳說寺僧甚眾不守清規村人屢控不得直時地方官亦甚惡之面請上峯除之答以罷了乃歸埋僧於地露首以祀之傳說可笑事非無因寺遂毀現石塔尚留二級未埋土內



趙七子

縣西南十五里唐趙寶符高宗時進士擢第生子不器亦擢進士第不器子七夏日冬曦和璧安貞居貞頤貞彙貞同登進士第張說嘗稱趙氏兄弟人之杞梓時人榮之因名其村曰趙七子

鼓城砦

即臨平故城漢置屬鉅鹿郡後漢紀建武四年進幸臨平即此尋廢魏書地形志曲陽縣有臨平城後漢書章懷太子注臨平故城在定州鼓城縣東南

祖祥村

縣北八里許祖祥村有寺名曰塔院寺梁貞明元年鼓城縣大唐鄉有一和尚法名真容心最好善能守釋道人多感激不能悉舉有功德主彭玉明等與眾建塔立寺修佛真容看守導人為善塔頂石刻字為兆然號為塔院寺者始於此也

撰寺碑

見明嘉靖間吳欽所

晉縣志料

卷上 地理志

九

晉縣修志局編印